

上清自然之靈書九天始生之玄札空洞之靈章上聖之秘語玉晨之尊典成天立地開張萬真安神鎮靈生成兆民匡御運度保天長存上制天機中檢五靈下策地祇嘯命河源運役陰陽各神使仙此至真之妙文神應

自然致天高澄今地固安保鎮五嶽萬品存焉玉帝昔授五老上帝是時五帝跪捧其章秘題靈都之館天真皇人昔書其文掌之於上清真境太玄玉都寒靈丹殿紫微上官累經劫運而其文保固天根無有毀淪與運推遷是大神呪混之不濁穢之愈清毀之不滅滅之極明大有之文天真所尊自無真名帝圖刻簡來生斯文隱秘不得窺聞有得之子保萬氣長存勤行修奉刻致神仙

臣謹言曰五篇玉書真文神功妙用莫可測量蓋得度人錄仙真文而施行之則九天衆真紀名仙籍降炁接度得制星真文而施行之則三光照形列曜削危形神炁命不罹殞傷得制魔真文而施行之則北

鄴畏威萬魔束手百邪敬慄弗敢侵讎得

削水真文而施行之則萬龍保身水府欽畏劫壞之日可跨蛟蚪而越九霄吁神功妙用果可度量哉但施行之訣別有秘要非世人皆可獲此效也惟學仙之士當做其訣而服行之故經曰有得之子保萬炁長存勤行修奉刻致神仙臣既職校經不敢不舉其要以告來者伏乞上聖垂鑒臣良謹言

洞玄靈寶玉皇功德品第三

爾時玉虛上帝曰

天尊言唯願慈悲願為四衆帝釋等及四梵天王一切諸天一切諸仙及未來一切衆生持是經人說利益事爾時

天尊告玉虛上帝言快哉斯問不亦善乎汝以慈悲愍念衆生故請問於我天尊言曰若有三界十方無量國土及國王大臣或兵戈並起疫氣大行水旱蟲蝗凶災饑饉是其國君后妃太子宰輔大臣當發慈悲為其黎庶徧敷國內州縣鎮宰令誥道流清淨嚴潔于其觀內設大齋醮六時行道為轉此經當得

國土清平五穀豐熟黎庶安泰

臣謹言曰世有言曰干羽不足以釋閭鄉飲不足以息戰此事理之當然者也夫剽悍禍賊始從事於干戈寇賊姦宄始容心於兵革非智術有以過之勇力有以勝之

決未可以挫其威虐也乃今玉帝經中謂干戈並起之難當救國內臣庶命道流誦真經以息之何其迂誕也哉吁是大不然也夫天變上臨則地禍下作于戈兵革莫非自夫陰陽拂逆躔度洎亂乃始流災而

起亂今觀往昔之圖讖則可驗也是以經中之訓俾國家值亂則以斯而禳接蓋所以請命上天消天變而息地禍非謂以斯經而止亂也若夫厲兵秣馬高城深池寧可一日廢哉昔有庸君識見室昧乃直謂

釋老經呪可以禦敵旋罹禍難至貽哂謂迄今為善良可嘆也今世昧夫凡觀是經率執此為誇毀之自欺因校經而辯之臣良謹言

若復有人入諸山林遇毒惡獸但能存想一

念真經山神衛護猛獸自退終不害已若入江入海採寶求珍值遇惡風如法持念是此真經風浪頓止安穩達岸若在軍陣戈戟既接兩刃相交存心默念是此真經是諸惡賊悉自退散若在牢獄枷鎖之中淨心定慮存念真經冤枉自伸即得解脫若為邪精鬼賊眾苦所加如法持念是此真經眾邪遠避自然除愈若人為求嗣息如法專重持念此經帝敕天曹明檢丹籍九品之內四果仙人運應數合降謫下生為其才子才辨明慧人中尊貴若婦人臨難之月如法持念是此真經即得母子平安生福德男女人所愛敬若為求官進職爵祿亨達貴遇人君如法持念是此真經即得職務遷轉子孫榮遇世世不絕若人欲求資財殷富如法奉持是此真經即得財寶充溢衣食自然慶流子孫傳之萬世若人被諸惡星之所照臨困苦林枕如法持念是此真經是諸惡星返降吉祥若人命過應入地獄注名惡籍父母師長夫妻男女當為亡人持念真經或安置道場楊花供養即

得亡者鬼籍盡除神生淨土同苦罪來感蒙護度承斯勝利皆生天上又此經所在之處常有十天至真大聖無極飛天神王侍衛供養持是經人當得自稱為正一真人是人在處自得十方至真至聖金剛力士潛護其人如護己身若出入遊行之處百邪避路魔鬼珍除精靈伏藏一切災殃不能侵近是持經人命欲終時更不見諸地獄惡相即見天宮一切玉女持幢下迎而生天上如天福盡下降人間即得千生萬生中常為帝王今國土清平人民樂業兼得為王獲宿性通運奉大道展轉修持至登道岸是持經人獲福如是又若有持是經人若兩下時起大悲心如法向空念此經三卷一徧其兩所需面所向方一切眾生五逆十惡一切重罪悉皆消滅一切重病便得痊愈是諸眾生命終之後不墮地獄神生淨土蓮花化生何況持是經者又若有持是經人若行於道路值大風起吹是持經之人觸身之塵是塵所帶一切眾生一切惡業悉皆滅盡更不墮三惡道當生天

上故知持經功德不可思議是持經人若在江在河在海沐浴其身是水所濡其中眾生魚鼈龜鼉一切水族是諸眾罪悉得除滅盡此一報之身命過之後更不受胎卵濕化一切等身是持經人口出一切語言或善或惡一切天魔外道聞者皆是清淨法音是持經人若遇諸神廟能為其神誦詠是經是諸鬼神得聞是經即脫鬼趣登真仙道恭敬是人如奉是帝若人在世不孝父母不敬三寶殺生偷盜邪淫妄語作種種極重罪業將命終時若有道心正信眾生于是亡者未氣斷時起大悲心于其頭邊念帝尊號或一七二七三三四七乃至百徧千徧是其亡者生前所造諸不善業悉得消滅更不墮諸惡趣昇九天何況受持是此經者又若復有人自從往劫乃至今身輪轉人天漂沈世域積千愆萬過在於己身若遇是持經人影暫映其身如為帝光之所攝受或與同語或聞其聲如奉帝言道語慰諭彼人罪障永得除滅又若持是經人造作長篇書帝名號于其牆上懸

諸長竿或是觀宇或在家庭是諸被諸風吹所指方面一切衆生皆當勝利一切惡業悉得除滅又若有持是經人書帝名號在一切有聲物上或鑿或磬鈴鐸鏡鏡一切道具法事之屬或以道場或以戲擊或被風觸是聲出時或遠或近一切衆生聞是聲已所有罪障悉得清淨又若有持是經人了悟生死深入山林修真學道或時登臨上山顧望目所及處山林溪谷舍生品類有形無形胎卵濕化動植飛潛種種諸類所有罪業永得除滅身心清淨命終生天何似受持是此經者當知是人即是道藏功德身也

臣謹言曰天尊之語實而不虛真而不妄其片辭隻字為當若發凡世昧者識未通真見不諳迷或於諸經苟有少可識則遂從而疑之以為世無是理也嗚呼是人也奚不詳觀熟究耽研咀味而曲求其旨哉功德品中天尊說持經之人所得功德如所謂死而生天天福之盡當得千生萬生中可為帝王與夫持經之人誦經於兩下

之時涉途於風起之際至於沐於水觀於山現於影能昇一切衆生罪惡消除獲大功德以為無有是理彼蓋謂帝王之福高而無踰非誦經之功可得而獲證也况千生萬生常為帝王乎彼又謂誦經之福及一身可也果生極重過惡四生積愆受報此天憲之確纖毫不移使經百劫而不亡果報猶當自受焉可以誦經之身一歷其所而頓能解脫且獲福德也哉斯人之語蓋知其一而未知其二也且夫行免之行即免之身者願之人亦願之徒今有人焉於是經也朝於斯夕於斯趨亦趨步亦步於本行經中誦其書行其事咀其華舍其美做十大妙行而服行之敬斷障諸戒而離遠之守之以堅持之以誠愈久而不渝受撓而不變日漸月積混然與天帝之身如出於一或陟或降在帝左右則彼身乃帝身也帝身亦彼身也身既混融則功德之成豈有異哉天帝放光神化若是之廣且大則今茲誦經之人所歷所至其福蔭

衆生亦猶帝恩帝光之所暨及也雖然斯言也天尊謂誦持斯經而純與帝合者矣非謂入耳出口徒曰誦念者言也然而自入耳出口誦念不著尤而至於與帝之合則正一真人之自稱殆亦未可以表其德操也學士宜思而行之臣良謹言

爾時

天尊謂玉虛上帝言今我略說未盡其妙若廣說之凡流邪見疑惑不信是經功德窮劫難言爾時玉虛上帝聞是說已心生歡喜不勝踴躍瞻仰慈顏稽首而作頌曰

九天之上謂之大羅 玉京金闕雲層我我中有天帝 仁慈慈和 至道無敵降伏衆魔天寶靈符 玉律金科 神仙億萬 幢幡衆多聞者羅城 永出愛河是號玉皇 尊者真老妙圓清淨 智慧辯才 至道至尊 三界師源元祖 無能勝主 四生慈父 高天上聖大慈仁者 十號圓滿 萬德周身 無量度人拔生免苦爾時玉虛上帝說是頌及十號已畢諸天衆

異口同音歎未曾有

臣謹言曰事悅於心辭溢於外故玉虛上帝之讚推尊稱頌極言苦談求有以盡上帝之德吁帝德之大其可言盡哉臣敢以不言為稱讚庶與玉虛上帝相表裏云臣良謹言

高上玉皇本行集經卷中

高上玉皇本行集經卷下

真

天 攝 上 相 巨 張 夫 授 正

天真護持品第四

爾時昊天上帝聞說經法從座而起長跪帝前白言

上帝願為大衆及諸人天持是經人說利益事爾時

玉皇尊帝與方便意開利益門宣玉匱科傳靈寶法告於昊天上帝言汝今諦聽當為汝說受持功德扶危拔苦利益存亡神妙之事。眾真稽首俱發聲言弟子臣等今日幸聞湛然常住之法莫不上福三界諸天下消三塗毒害惟願慈愍臣等故演斯妙義。玉帝告曰若有眾生孝養父母恭敬三寶竭忠於君不殺不盜不淫不妬不嗔不恨不驕不詐奉戒持齋冥心大道生專重心誦持是經我即敕下周流沙界徧傳十方無極世界敕命東方東華帝君青騎神仙兵馬無鞅數眾悉令下降覆護受持是此經者敕命東南搏桑大帝與其部眾神仙兵馬無鞅數眾悉

令下降覆護受持是此經者敕命南方朱陵大帝赤騎神仙兵馬無鞅數眾悉令下降覆護受持是此經者敕命西南太華元老與其部眾神仙兵馬無鞅數眾悉令下降覆護受持是此經者敕命西方皓靈黃老白騎神仙兵馬無鞅數眾悉令下降覆護受持是此經者敕命西北皇天上帝與其部眾神仙兵馬無鞅數眾悉令下降覆護受持是此經者敕命北方紫微帝君黑騎神仙兵馬無鞅數眾悉令下降覆護受持是此經者敕命東北神虛天君與其部眾神仙兵馬無鞅數眾悉令下降覆護受持是此經者敕命中央天皇大帝崑崙輪蒼老黃騎神仙兵馬無鞅數眾悉令下降覆護受持是此經者敕命上方來和天君名山大洞神仙兵馬無鞅數眾悉令下降覆護受持是此經者敕命下方一切金仙四眾八部及諸眷屬悉令下降覆護受持是此經者敕命十方飛天神王飛天大神三官四聖二曜九星北斗南斗東斗西斗中斗二十八宿周天眾星金剛力士神王等眾各與部

衆悉今下降覆護受持是此經者敕命降魔力士四天門王五嶽四瀆及餘諸山四海九江十二河源山林川澤一切主者今與眷屬覆護受持是此經者諸險惡處令得安穩敕命所在一切土地靈官并溝渠等一切諸大力鬼王皆令覆護受持是此經者令衆魔外道悉皆懾伏潛形遁迹高飛海外遠避他方如是山林社稷祠廟血食之賔一切鬼神當自消滅五方行病瘟疫鬼神諸惡鬼神并風王水怪孽龍妖神土精木魅盡自消滅五虛六耗夢寐乖常野道呪詛蠱毒之類皆自消滅心欲願者一切如意皆得滿足是持經人或不依科教未能修齋未具淨戒以能信受尊重景慕是此經典並同修齋護淨戒者是人功德坦然無礙自在逍遙號人中聖德慧長新同諸真人

臣謹言曰誦經功德天尊已嘗於前品言之矣今吳天上帝猶以為未悉也復於茲時再用啓請於帝前求有以周悉之此蓋上聖慈心之切必欲導斯人以持誦之事

而望上帝以優渥之恩也玉帝悲願廣大無際故於茲時宣示明敕始終備至了無纖末之遺始於東方而終於十方萬靈罔不畢舉是欲世之含生凡克於經效心則在在靈祇莫不協祐也然帝敕之重雖皆周悉而玉敕之宣首以盡忠盡孝等事為始蓋必能忠孝恭敬不殺不淫不妬不真不恨不驕不詐奉戒持齋冥心大道一一皆如帝言則十方萬靈然後護持如帝之敕使其未然則雖說說叨頻予未保十方萬靈果悉加護也雖然淨戒之具謂前忠孝等事也固玉帝責望之嚴然三界有生根品有間苟不別智愚而一以是責之則淨戒之具難乎其人也帝德慈憫仁愛洪大故於宣敕之末復出玉音曰或不依科教未能修齋具戒以能尊慕功德德慧同諸真人吁此非玉帝之慈不以絕法待天下寧有此敕哉純根下士宜體帝敕先降尊重景慕之心增而上之以冀十方萬靈之祐然不可謂帝敕容以未能修齋

具戒而安於怠慢馬臣良謹言

爾時吳天上帝聞是說已即於

帝前乃為歌曰

大哉至道無形無名渺渺億劫黃道開清神清朗耀九魂吐精玉虛澄輝太霞高明

玉皇開化溥度天人三元道養二象攝生

朽樹故根已枯使榮蠢動蛭息長生化形

懷胎含孕俱得生成亡者命過魂歸三清

魄受鍊度南宮飛昇今日大吉皆得光明

五帝鑒映普告萬靈天神地祇及諸河源

五嶽四瀆及諸名山洞玄洞虛洞空洞仙

無極大聖至真尊神無窮無極溥監度生

惡根斷絕玄都記名衆真班列咸聽帝言

經是帝敕保誦持人至度道岸無使災侵

我奉帝命一切咸聽

爾時吳天上帝說是歌已告大衆言此玉皇

妙法語諸聖秘密言路絕道斷微妙難思

龜大範為神明之宗保鎮國土拔度生死爾

時吳天上帝說是語時法苑清衆咸仰道言

溥得開悟于是

天尊而說偈曰

玉帝功德大	玄理極幽深	生於浩劫前
運化於古今	我今說妙經	愍念諸有情
此誠極妙法	功德中功德	名號最上乘
無比為第一	大光明王尊	威德聖希有
能破森惡魔	皆令心降伏	能滅極重罪
皆令得清淨	若人聞是經	或聞是帝名
稽首生恭敬	一切罪消滅	十惡四重業
五逆害父母	信心一稱名	隨聲盡消滅
保護人天衆	四相與五衰	三途極重苦
人間凡厄難	凶年饑饉喪	毒藥及厭魅
刑獄與冤家	軍陣鬪戰苦	山林惡道中
虎豹豺狼等	江海毒龍類	逆雷風雨雹
水火及盜賊	蠱毒所中心	失志發狂亂
蛇蝎毒惡蟲	邪魔凶怪神	伺求人便者
由持是真經	普皆自散滅	惡病久沈綿
夢寐亦不安	非理欲殘命	殄滅不為殃
緣遇是經故	安穩得自在	所有希求願
財寶及富貴	以此經功德	如意皆稱遂
神威自在仙	衆德十一曜	三十二天主

二十八宿王 靈妃玉女等 天神及地祇

三界虛空神 江海諸龍王 水火及風神

宮殿與宅舍 山林樹木衆 溝渠井泉神

由持是經故 一切皆擁護 衣食常自然

子孫居富貴 出言人希聞 所至皆恭敬

若為求男女 誦持此真經 帝詔下天曹

落籍天仙人 降謫生其家 為其作男女

顯貴人崇重 七祖盡昇仙 光大慶其門

延及父母親 吉祥常熾盛 災障不能侵

是故我今說 大衆宜諦聽 慈悲度一切

皆令達上清

於是

天尊普告四衆凡人持念此經受誦帝名皆

道根深重宿有善緣此經尊妙普度天人但

精心恭奉家國安寧保命度災掃諸不祥天

子王侯得奉之者致國太平凶寇自夷邊域

不爭兆民歌唱普天興隆運推數周正道當

行有得之者天真妙重祕之祕之

臣謹言曰玉帝之教其丁寧周悉已極其

至也而昊天之神天尊之偈猶至於委曲

周詳如此蓋上聖高真愛人念切以故發

揚印證不憚諄復必欲俾衆生之信奉也

帝教若是而天尊天帝之言又若是則持

誦之效當決如經之所載也臣良再出斯

言奉勅衆生宜崇信之臣良謹言

洞玄靈寶報應神驗品第五

爾時慈悲度厄真人尋聲救苦真人濟生度

死真人萬福護身真人俱從座起越班而出

俱白

天尊言若諸世末凡夫雖宿有善緣得遇是

經被諸邪障之污本末疑惑不信是經功德

如是之人見在過去於諸地獄得何罪報惟

願聖慈說其報應惡趣之苦是時

天尊謂四真人云若諸世間剛強暴惡不善

衆生終日竟夜對諸道像無恭敬心出誹謗

語是罪當墮五無間獄若得值遇是持經人

設諸方便誘引勸諭如是之人暫滅惡心信

向是經彼人罪業淨盡無餘又若有邪見愚

執惡人親持是經生諸惡逆偏眼邪覓乃至

起一惡心發一惡言謗毀如是持經之人其

罪過是命終之後墮大地獄永無出期何況世間東生得過是經不生敬仰穢手汚觸掌口讀誦牀榻不淨使將安置或讀是經誦習俗語共同戲笑以為常典如是之人命過之後墮無間獄永無出期殃緣九祖受考罰都累及後世害纏子孫是人于地獄中歷無量劫受大苦惱遇無邊聖累承救拔罪惡小減又遇聖人救拔得出生餓鬼中歷千萬劫不聞漿水之名鬼報得出生畜生中畜生報出若生人中更生遭夷外道而復女身貧寒困苦癯殘百病受無量苦人所棄擲求生不得求死不得輕斯經故獲罪如是又若復有人初雖信受後復慢易善喜善事上奉三官黑簿添名青編減算身歿之後拘閉幽牢往復三途無由解脫或於現世受種種病疥癩癰症以為莊嚴憂慮苦惱目友相煎而身或被橫惡所加或牢獄繫鎖非分自害誤食毒藥或被虎狼毒蛇之所食斃或為冤家之所讎對或行山林值遇惡人被屠割推落崖岸或被邪精魘魅之所殘害或值水火之所焚

源或被刀兵之所橫誅輕斯經故橫喪天年獲如是果可不悲歎可不痛歎故報汝等依此奉行勿生邪念若諸念不生為緣頓息塵沙惡業隨心消散一切災魔自然殄滅此之功德不可思議是誠無比最上妙法諸經之王有大利益非人勿示人能不生邪念明慧若諸天人五衰四相輪迴便通能捨除妄想受持是經坐胎自然天福益固身度三界與道長存是此經典無與等無能勝是大威德大神呪能令一切枯槁便生枝葉花果茂盛能除眾生極重苦惱能令短命眾生而得長壽此經功德不可思議歎莫能盡若不宿植道種廣種福業乃至名字亦不得聞何況得見是經依三洞真格八萬劫一傳此清都至真上聖所寶秘於玉京金闕宸宮甚為微妙難可得過此經宿有仙骨當為九天真仙之人得過斯文承斯緣故後當奮金寶從盟師受之方當乘機應運乃可付焉不得輕泄敬之慎之

臣謹言曰臣嘗聞之經書曰諦觀法界性

一切惟心造此語如靈說以為破地獄傷是知心生則地獄生心滅則地獄滅也心之生滅地獄之有無況心不止於生而又至於起惡哉是以專經報應品中謂凡夫造罪無量無邊苟能斷滅惡心則一切罪業遂至於盡淨無餘而起一惡心則其罪其殃有非言之可盡者是知方寸之間乃利害之機升沈之本豈容不謹之畏之哉品中下文又載一切天人或有五衰四相之起能捨除妄想則天福益固蓋想者即心之所起也人與天相去遠邈然升沈利害切由一心吁心果可縱哉心果可晦哉儻一切眾生未能俾心之不生則亦宜勿起惡心捨除妄想使諸念不生萬緣頓息庶幾塵沙惡業隨心消散得以為善人君子之歸則於斯經乃為無愧所謂災魔之珍萬靈之護者思之及當知影隨形也又能廣而充之俾心若太虛內外貞白無所不容無所不納直詣天華真不二法門高澄清淨解脫之道則一十二真人之位

玉帝三身之果有不難至也眾生宜勉之

臣良謹言

於是

天尊宣此義為說偈曰

設使江河水 波浪能生道 慈鳥毛能白

如經故難遇 設使龜生毛 塔搽為衣服

夜月能滴水 如經故難遇 設使蚊蟻足

塔搽為舟橋 能載一切重 如經故難遇

設使黃口雀 能銜諸大山 擲之他方界

如經故難遇 設使一葉舟 力能載崑崙

浮渡於大海 如經故難遇 若使諸水經

口能生巨齒 其大如象牙 如經故難遇

設使蓬蒿葉 能覆無缺界 蔭茂無缺來

如經故難遇 設使鳥糞類 同樹一巢棲

銜食共相食 如經故難遇 設使兔生角

塔月為梯磴 上窮有頂天 如經故難遇

設使藤屨等 緣於兔角梯 至天能食月

如經故難遇 設使驢履屐 色如頻婆果

復能作歌舞 如經故難遇 設使繩蟲等

能飲靈石酒 迷竟而沈醉 如經故難遇

爾時

天尊宣說偈已海告四眾是故持是經人名

功德身一切有情被其蔭故持是經人名神

通身一切吉祥感殊集故持是經人名清淨

身是諸惡業不能侵故持是經人名威德身

天魔惡道不能攝故持是經人名無等身上

帝遙唱萬神敬故持是經人名堅固身惡劫

大難不能損故持是經人名道藏身口出語

言鬼神仰故持是經人名慈悲身六道眾生

賴其善故持是經人名大道身出入所在無

怖長故持是經人名良醫身善行妙法安樂

人故持是經人名光明身常為帝尤所攝受

故持是經人名自在身天宮妙境神能遊故

持是經人功德說不可盡

臣謹言曰天尊仙格不可泛示下世故經

中勅以勿示非人妄傳輕泄為戒然末世

眾生昏迷不惜償不示以徑級則善念不

萌功德無積所以天尊說經雖以實秘為

戒而玄微妙義輒宣別之不惜此蓋上聖

之慈憫也且奉旨授經教後是則所以採

摘妙義列進經中今經中修證果位雖未

嘗進經文之示三觀為傳之報應品中載

天尊言持經之人所證諸身天府今列此

為真人之位謂如名功德身即功德真入

之位是也東主有能勉奉是經誦持不退

當直證此真人之位今曰天選舉司見有

陰障是位者東主宜堅確念慮口誦心持

俾勿犯諸戒律依如王青求以上證此品

則九族蒙恩七玄受鍊非獨此身滅災得

福也敬信無怠同會瑞華早吉苦祝望毋

疑惑臣良謹言

又若道士志人能結壇誦經者新淨水於半

夜復聞寂獨處清淨室中叩齒九通東向端

坐誦誦是經於是時也太真御几至妃佛道

萬神班列諸天臨壇三界侍衛五帝司迎然

復閉目靜思存想是經不覺身處五雲之內

俄見其身光明赫奕上昇天宮東真下迎心

有所詣一切應奉仙丹妙寶隨意自取故當

依科閉心奉行此經乃至三世金仙十方大

聖賢從此經依接修奉故頓得超躋無上妙

道是此帝也諸天之師東聖之王是故凡夫
值遇是經致五帝輔翼召使神仙御役神官
運運陰陽千靈收仰萬神備伏百邪避路羣
魔束形命過之後即得兩宮受鍊飛步上清
道進自在與道長存又設復世間眾生會聞

五六 十二

是經心常渴仰能於家中擇清淨處畫帝形
像日夜虔度晨昏濟濟香花燈果專重供養
稱名瞻禮是人當得三十種上妙功德

一者諸仙讚重二者先亡生天三者宿殃解
脫四者所往通達五者無盜賊事六者所求

○ 逆心七者除水火厄八者積事消消九者夜
夢吉祥十者疾病不臨十一者智慧聰明十
二者人見歡喜十三者衣食豐盛十四者子
孫榮貴十五者六親見喜十六者門族和睦
十七者除三惡報十八者轉女成男十九者
形容端嚴二十者為國大臣二十一者生為
帝王二十二者鬼神欽仰二十三得宿命
通二十四者諸神護念二十五者九族受陰
二十六者處世長年二十七者有情賴善二
十八者魔王保迎二十九者決超三界三十

者白日上昇

爾時

天專復告四眾此經功德能破鐵圍諸山馮
苦海水破大地獄拔重罪苦降舉惡魔護諸
國土能滅一切惡鬼能除一切重病能解一

五六 十二

切惡毒能滅一切惡人能伏一切毒獸能摧
一切邪道一切諸天皆令降伏其餘功德說
不可盡爾時道場大眾金仙菩薩真聖眷屬

聞是說已歡喜踊躍稽首敬禮而作頌曰
大哉至道無宗上真上度諸天下濟幽魂

○ 上無師祖惟道為身丹臺紫府金闕玉京
秘此妙法薄福含靈滅我萬罪增我遐齡

萬神朝禮魔王保迎功德昌盛貴錄書名
渺渺億劫使我長存

於是眾等說是頌畢稽首歸依奉辭而退

臣謹言曰專莫尊於諸天也而大彌羅天
乃天中之天貴莫貴於諸帝也而

玉皇上帝乃帝中之帝故天尊言曰是此
帝也諸天之師眾聖之王惟是帝處至尊

至貴之位無與等無能勝是以眾生能萌

尊重之心則功德無有與之並者或起輕

慢之心罪報亦無有與之並者所謂三十

種上妙功德特天尊舉其要略而品中具

載罪報亦天尊始言其梗槩也眾生苟有

慶幸得觀是經宜三復玩味即良此言始

終及復觀之於是經也留神儲思勉勉誦

持積至三年功德無量臣既奉校經之旨

謹專具奏仰乞帝旨專署一司校錄誦持

玉皇本行經之人所積功績以示神報帝

德慈憫必俞所請也經末示此眾生宜知

之臣良謹言

高上玉皇本行集經卷下

五六

十

奏陳表文

臣昨奉詔校正

本行集經恭準宸翰令臣俟畢奏陳者臣聞
垂世立教格上智以奚堪剛詩定書必聖人
而後可蓋典詰示斯民之繩準而詁訓為格
言之筌蹄儻一字之弗諄實萬世之取誤故
述而不作者先哲所重而辭弗能措者大儒
莫膺信系屬之非輕致倚任之不易恭惟
玉皇本行集經秘傳金口妙蘊瓊宮下仙難
可獲聞濁世罕能忽見玄義遠滄深之遠真
機崇嶷嶷之高言彰解脫之門語語鼓清
淨之吹嘆之莫盡即以奚窮偶歷時之過多
忽傳本之致誤點霧固何傷於日月小疵庸
曷損於瓊瑤豈期聖慮之過慈猶欲寶文之
全善謨煩溫詔寵命愚臣俾據狂斐之才直
膺誤謚之職綸音震響耳然春聽之琳琅宸
翰揮揚豁爾塵襟之開廓臣遜避惟切委昇
寢隆顧猥賤之非材第忝慙而抱愧重付眷
懷之難拂用駭驚質而敬承喜懼交馳謙伏
靡暇敬竭燭燭火之見仰助陽暉之明於卷首

六十五

則摘品而分章至次編則總意而明義謹識
謬者三十有八更乖誤者四十有三雖始終
品秩猶未殫參校之全而前後句音尚不聲
按挾之備第為人世流傳之久恐重民間疑
惑之多姑今大體之弗踈故即小節而致簡
至如指摘謬舛不敢如布縷之詳挾剔幽玄
未獲若開條之悉蓋慮多多為語乙乙必書
繁則取厭於觀閱之勞演則實疑於參味之
審其他更革悉未周完謹繕錄以進呈乞矜
容而閱視儻有纖毫之裨補願干明詔之頒
行或乞申命有司再詳要義庶免三傳散春
秋之誦及無九師微易道之識臣良到扶肺
肝玷塵聰春併白哀原冒昧之責俾得服勤
職守之卑誓竭金石之誠上荷海嶽之惠臣
良下情無任瞻天望聖悚慄戰懼俯伏待罪
之至謹具表奏開伏候敕旨

年 月 日 臣 良 表

恭準批答云

詳奏及閱所上校正經文訖卿仁念粹和文
華煥燦精效參詳之思審加訂證之勤豈徒

謬語之復真抑且妙義之挾奧矧襟懷之溫
厚故文字之清醇灼識情誠重勞精思宜下
玉宸內殿收貯及頒詔諸天從此誦持并可
命南洲及諸洲演化眾真照此傳行毋得褻
慢外賜爾九光寶節八景珍輿以旌勞績切
宜祇受副此眷懷故茲批答想宜知悉

月 日 下

林少華 受
蒼汝嘉 付

六

六

〇

誦經感應 經中感驗自古隨書以末古今事實皆備載或以本經略摘數事附于卷後以證此經功德不可思議

陳瓌

隋時會稽人擢第八金門集釋褐任長城尉自少誦此經每至危難多獲助至開元中自

會稽江行之東陽大雨與二十餘船同發乘風掛帆須臾天色昏黑風勢益壯至界石實上水擁波擊前二十餘船皆壞瓌急念此經流中忽有一物狀如赤龍橫出扶舟因得達岸俱得活誦經之力

銀山老人

鏡州人所居採銀戶逾萬俱是草屋延和中天火發屋皆燼此居火不及時州牧問老人有何術法答云奉道年深日誦此經不關

慕容文遠

隋人病亡七日欲驗忽縮一足遂蘇云被一人追入一城見王者問卿在生有何功德文遠答貧家無力可修功德惟一心念玉皇經王稱善曰此經欲得聞乎遂延文遠上殿設一金牀命誦經忽有玉女頭翠鳳冠服紫霞

衣手指文遠陽間所誦經本跪言其前令分明讀誦畢忽不見出門唯追吏隨行登一高山見城郭極高峻煙火接天黑氣溢地哀叫之聲不忍聞叩頭求去使者乃引回家見形卧林鬼吏自後推之冥然復活

竇德玄

麟德中為奉使過揚州渡淮船見一人形憔悴引一小童坐地上德玄曰天晚別無船來何不同行遂至中流見本人有飢色與食濟之達岸德玄上馬同行十里間問君欲何往

答曰我非人乃東嶽鬼使往揚州追大使竇德玄德玄驚怖下馬拜曰我即是德玄涕泗

請計鬼甚愧云公容戴食濟急奈何汝急誦玉皇經一百部當來相報德玄曰世無本鬼使曰鉢洲靈仙觀道士尹嗣玄有正本可

急索誦言訖不見德玄遂回令人求經本晝夜不斷續誦經一百部因晝臥夢見前鬼使來喚至一城殿門外使曰且立此當白王使既入德玄於外遙聞王怒云爾何故漏泄吾事為他作計今左右驅決其使使出袒以示

曰此乃為公致此引入見王問曰公有大功德算未盡人間秩滿當生天界名使送回德玄問使者云我將來官當如何答法從此可改殿中監六十四至左相言訖辭去覺後果如所言

司馬喬卿

唐時河內人永微間為揚州戶曹丁女憂結廬寫經廬側生芝草綠葉未盡日滴汁一升食之味甘經畢母於座中語云得汝追悼之力今可生天

李脩

唐顯慶中丁父憂發心寫此經三部答劬勞纔一部了筆間有五色圓光之炁經畢筆無所損每聞異香座前時有花墜後失筆頭經半載夜因見地上有金色光彩示之乃向所

失筆頭自然光彩不壞經之功德孝誠所感父得超升

呂大展

唐開元三年任開州信道誦此經萬卷年衰牙落向經懇請牙復生知舊時元早刺文今

祈雨誦經一徧隨獲霽然又苦霖潦別駕復
今祈晴主霽又一夜誦此經見屋內光明若
晝有三者數人與諸仙眾長跪合掌禮拜稱
善文展大驚下座回禮云文展無道法得聖
賢如此恭敬罪當萬死王者云我等皆天人
魔王適向諸天見此人間有光照燭故尋光
化身下降云珍重而去出全通

三經同表

高上玉皇本行經疏

高上玉皇心印經

高上玉皇胎息經

高上玉皇本行經疏

道言昔

元始天尊在清微天中玉京金闕七寶玄苑

玉皇宮殿陞光明座與無鞅數眾宣說靈寶

清靜真一不二法門是時

玉皇尊帝與諸真聖清齋建節侍在側焉於

是

玉帝知時欲至即於會前舉六通力放大光

明徧照諸天一切境界皆大震動十方無極

俱同瑤瑤下燭下方是諸世界一切人天咸

臻道氣當是之時都鐵圍即時破壞三惡

道苦一時解脫爾時

玉帝即分其身徧散十方諸大天宮自然化

現白玉為京黃金為闕七寶玄苑大光明殿

具光明座幢節幡蓋異寶奇花徧布是處

五七

爾時

玉帝即以所分其身徧於是處普為十方演

說清淨解脫之道說已即以神通不動其所

移接天人皆令得至清微天中玉清聖境元

始會下是諸眾等不覺不知普來集會時諸

大眾稽首瞻仰

玉帝化身忽親天尊勝會踊躍歡喜一時作

禮歎未曾有

爾時高虛清明天主與諸天尊屬御八景鸞

與九光寶蓋奏玄歌妙樂詠無量洞章散天

寶花噴天真香飛步遊空來詣道前稽首長

跪白天尊言賤臣懈怠後會法筵今日吉慶

建此法橋幽顯凡聖普密聖澤放大光明現

希有相臣等千劫良因九天運會今日大吉

咸仰玄功以偈讚

上帝曰

金闕玄宮主 高上玉皇尊 妙相冠諸天

慈光燭三界 真聖妙道師 天人依仗師

大乘垂法語 真一指迷途 功德若虛空

讚揚無窮盡